

Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Abelly, Louis

Coloniæ Agrippinæ, 1658

Capvt II. De modo, quo peractum est Incarnationis mysterium.

urn:nbn:de:hbz:466:1-38954

CAPVT II.

De modo, quo peractum est Incarnationis mysterium.

SECTIO I.

Quid sit vnio hypostatica.

Expliatis ijs, quæ ad veritatem huius mysterij pertinent, doctrinæ ordo postulat, ut videamus, quâ ratione illud peractum sit: cum autem (ut constat ex ante dictis) Incarnatio facta fuerit per unionem naturæ humanae cum diuina in ipsius Verbi persona, videntum est in primis, quid sit illa vnio; quod ut melius intelligatur, supponendum est ex Philosophia, subsistentiam seu personalitatem nihil aliud esse, quam modum aliquem realem & substancialis, quo natura rationalis ultimò perficitur & completur, ita ut per se & independenter ab omni alio subsistat, & cuius alteri ut sie, incommunicabilis existat, & ita ex natura substanciali rationali & subsistentiâ ista seu personalitate fit una singularis persona.

Hoc præsupposito, ut quæstioni propositæ satisfiat, notandum est, unionem hypostaticam duplaci modo sumi posse, 1. pro actione, quâ Deus vniuit seu coniunxit humanam naturam cum hypostasi seu persona diuini Verbi, quo sensu vocari potest vnitio; & haec actio seu vnitio est à tota sanctissima Trinitate, sicut omnes alias actiones ad extrâ, ut definitum est in Conc. Lateran. sub Innoc. III. cap. 1. & in Conc. Tolet. 6. cap. 1.

Secundo, pro termino proximo, & immediato illius actionis, qui quidem secundum probabiliorē Doct. sententiam, non est aliud, quam modus quidam, quo humanitas Christi

Christi formaliter manet unita cum persona Verbi: hic autem modus non est accidentalis, sed substantialis, ut docet S. Thom. q. 2. a. 6. cum sit de intrinseco & essentiali conceptu alicuius substantiae, nempe Christi, prout est quoddam实质的 suppositum in divina humanaque natura subsistens; unde Martinus primus in Conc. Lateran. consultat. s. can. 8. damnat eum, qui non confitetur propriè & secundam veritateq; in eodem Christo naturarum substantialem unionem induisse & inconfuse.

Porro modus ille substantialis unionis ex duabus unionibus partialibus constatus est, quarum altera est in corpore, altera in anima Christi; nam & corpus per se unitum est verbo, similiter & anima eidem verbo per se unita est: quod manifeste apparuit in triduo mortis Christi; tunc enim anima fuit a corpore separata, & tamen utrumque seorsim mansit unitum cum Verbo; unde sequitur, quod in utroque reperiatur unitio partialis; materialis quidem in corpore, spiritualis autem in anima, cum utriusque conditio id exigat.

Est etiam modus ille unionis relativus saltem relatione transcendentali, cum dicat essentiali respectum partim ad humanitatem, tanquam ad subjectum, quod modicatur, & tanquam ad terminum, quem unit; partim ad ipsum Verbum diuinum, tanquam ad alium terminum, quem cum ipsa humanitate connectit.

Quare, an unitio illa, qua inter personam Verbi & inter humanitatem intercedit, sit omnium aliarum unitiorum, qua in creaturis reperiuntur, maxima & arctissima? Resp. affirmatio; ratio est, quia illarum rerum unitio maxima & arctissima est, qua magis accedunt ad individualitatem & indistinctionem: atque natura diuina & humana in Christo, quatenus ambae in eadem verbi diuini substantia unitantur, maximè accedunt ad individualitatem, & indistinctionem, eo quod arctissimum ordinem habent ad unitatem, utpote qui sit per aliquid, quod est simplicissimum & maximè unum, scilicet per Verbi diuini substantiam; unde S. Bern. lib. 5. de considerat. cap. 8.

Inter

Inter omnia, inquit, que recte unum dicuntur, arcam tenet unitas Trinitatis, quâ tres personæ una substantia sunt: secundo loco illa precellit, quâ è conuerso tres substantiae, scilicet verbum, anima, & corpus una in Christo personæ sunt.

Hinc sequitur, illam unionem, sicut est arctissima, sic etiam esse maxime indissolubilem; vnde S. Leo ser. 17. de passione, In tantam, inquit, unitatem Dei & hominis natura conuenit, ut nec supplicio dirimi potuerit, nec morte diuinci.

SECTIO II.

An sola Filij persona naturam humanam assumpserit.

Siens quæstionis est, an humana natura ita cum persona Filij fuerit unita, ut solus Filius vere, & propriè incarnatus atque homo factus sit, non item Pater, aut Spiritus Sanctus. Pro cuius resolutione

Dicendum est, certum esse ex fide, soli persona Filij naturam humanam fuisse unitam, atque adeo solum Filium, non vero Patrem, aut Spiritum Sanctum naturam humanam assumpsisse, & hominem factum esse.

Hæc veritas aperte constat ex quam plurimis scripturæ locis, vt S. Ioan. 1. Verbum caro factum est: & cap. 3. Sic Deus dilexit mundum, ut Filium suum unigenitum daret. Id etiam expresso definitum est in varijs Conc. vñi Conc. Chalced. act. 5. Constantinop. 2. cap. 5. & continetur in omnibus symb. quibus Eccl. catholica vtitur.

Verum difficultas est, cum in diuinis omnia opera ad extrâ sint indiuisa, & tribus personis communia, quomodo vno illa in sola persona Filij, non item Patris, ac Spiritus sancti fieri potuerit.

Ad huius difficultatis solutionem, obseruandum est id, quod docet S. Thom. 1. p. q. 40. a. 2. & communiter cum eo Theologi, personas diuinæ constare essentiâ diuinâ tanquam aliquo communii, & suis proprietatibus per-

personalibus tanquam ratione constitutuâ & distingui-
tâ illarum.

Hac obseruatione suppositâ, ad propositam difficultatem respondeatur, si per unionem & assumptionem humanae naturæ intelligatur actio illa, qua cum persona verbi coniuncta fuit, illam esse communem toti Trinitati, ut suprà dictum est; quod si per unionem intelligatur terminus immediatus illius actionis, queraturque, quomodo persona Filiij potius, quam Patris aut Spiritus Sancti immediate terminet, & sustentet ipsam naturam humanam, dicendum est id fieri, quia illam terminat, ipsique vnitur, non per aliquid absolutum & essentiale, sed per aliquid relatum, & personale sibi proprium. Hoc expreßè definitum, & explicatum habetur in Conc. Tolet. 6. cap. 1. in professione fidei his verbis: *Cum tota corporata sit Trinitas cooperationem suscepit homini, quoniam sunt inseparabilia opera Trinitatis, solus tamen Filius suscepit humanitatem in singularitate personæ, non in unitate naturæ; id est in eo, quod proprium est Filiij, non quod commune Trinitati.*

Dices apud SS. Patres aliquando dictum repertiri, quod natura diuina humanam assumpsit; vnde sequitur, cum illa Patri & Spiritui Sancto sicut & Filio communis sit, æquè dici posse Patrem, aut Spiritum Sanctum incarnationem esse, ac Filium. Resp. cum dicunt Patres, naturam Dei incarnatam fuisse, sensum esse (vt rectè explicat S. Th. 3. p. q. 3. a. 2.) personam Filij primariò & propriissimè naturam humanam assumpsisse, & sic fuisse incarnationem; consequenter autem, & secundariò diuinam natu-ram, que cum ipsa Filij persona identificatur, naturam ilam humanam assumpsisse, adeoque fuisse carni vni-
tam, atque eatenus esse & dici posse incarnationem.

Porro quamvis eo sensu modus ille loquendi verus sit, communiter tamen usurpari non debet, quin proprius & legitimus eius sensus explicetur; vnde S. Damasc. l. 3. de fide c. 6. licet eo vtatur, de illo tamen postea dubitat, an verus & proprius sit, & an debeat usurpari.

SECTIO III.

*An post duarum in Christo naturarum unionem
manserit propriatum utriusque
natura distinctio.*

Catholica fides docet (ut ex antea dictis satis constat).
ita factam esse naturæ diuinæ & humanæ in persona
Verbi unionem, vt tamen manserit semper omnimodo
proprietatum cuiusque naturæ distinctio. Huic autem
veritati, præter haeres. cap. præc. relatas & refutatas, op-
posita est noua hæresis Vbiquistarum, qui assertunt huma-
nam naturam Verbo diuino hypostaticè hoc ipso unitam
esse, quod omnis plenitudo & energia diuinitatis Verbi fit
illi realiter communicata, & ita in eam transfusa, vt Christus
etiam secundum humanitatem, atque adeò quatenus
homo, verissimè dicatur esse Deus, omnipotens, æternus,
infinitus, ubique præsens; unde & Vbiquistarum appella-
tionem sortiti sunt.

Refellitur hæc hæresis, & nostræ fidei veritas probatur
1. ex scripturis, quæ utriusque naturæ proprietates in
Christo distinguunt 2. Cor. 13. *Etsi crucifixus est ex infirmitate;* sed *viuit ex virtute Dei:* 1. Petri 4. *Christo igitur passo in carne:* S. Ioan. 20. Christus Dominus de se loquens, *Ascendo, inquit, ad Patrem meum, & Patrem vestrum; Deum meum, & Deum vestrum.*

Probatur 2. ex Conc. Chalced. act. 5. vbi definitum est,
unum & eundem Iesum Christum Dominum unigenitum, in
duabus naturis inconfusibiliter cognoscendum esse, nullâ natura-
rum differentiâ sublatâ propter unionem, sed magis utriusque
natura proprietate in unam personam, & in unam substantiam
concurrente: & ex Conc. Lateran. 1. sub Martino I. can. 9.
*Si quis non confitetur propriè & verè naturales proprietates Dei-
tatis Christi & humanitatis indimittit in eo & sine defectione
saluatas, &c. sit condemnatus.*

Item in epist. Agathonis Papæ, quæ in sexta Synodo
gener.

M

gener.

SE-

gener. act. 4. lecta & recepta est, dicitur *unamquamque naturam Christi, proprietatem naturalem retinere, & habere diuinam omnia, quæ divina sunt.*

Probatur 3. ex S. Greg. Naz. in orat. de filio: *Vno capitulo, inquit, moneo, ut altiora asscribas diuinitati; humilia autem natura humana attribuas: & S. Ioann. Damasc. lib. 3. de fide cap. 4. Diuinitatem, inquit, dicentes non nominamus ea, quæ sunt propria humanitatis, neque de carne prædicamus ea, quæ sunt diuinitatis propria.*

Probatur 4. ex absurdis, quæ posita illâ hæresi consequuntur: si enim Christo secundum humanitatem proprietates diuina verè competenter, sequeretur ipsum Christum secundum humanitatem suam esse authorem suæ humanitatis, & secundum animam suam esse creatorum suæ animæ; item secundum humanitatem suam extitisse, antequam ipsa humanitas existeret, similiter secundum humanitatem suam neque pati, neque mori potuisse, atque adeò neque paßum, neque mortuum fuisse; quæ omnia, quam absurdâ sint, nemo non videt.

Est autem obseruandum Doctores catholicos non negare, imò vltro fateri, omnem plenitudinem diuinitatis, atque adeò diuinas omnes perfectiones naturæ humanæ Christi fuisse communicatas, non tamen eo sensu, quo illi hæretici volunt, quasi verò illæ diuinæ perfectiones naturæ humanæ attribui possint, aut de illa prædicari, seu de Christo secundum ipsam; sed solùm isto sensu, qui verissimus est, quatenus nimirum natura humana in ipsa

Verbi persona subsistit per ipsam Verbi subsistenciam, cum qua ipsius Verbi diuinitas, eiusque perfectiones omnes identificantur.

¶ 50

SE-

SECTIO IV.

*Quānam humānā naturā partēs à Verbo
assumptā sīnt.*

Dicendum 1. Filium Dei verum, & naturale corpus, eiusdemque rationis cum nostris corporibus assūptiss. Est de fide contra Manichæos & Cerdonianos, qui (ut refert S. Aug. lib. de hæref. cap. 41. & 66.) asserabant, Christum Dominum non habuisse verum & naturale corpus, sed phantasticum & apparens. Refellitur hic error, & veritas opposita probatur ijsdem authoritatibus scripturæ, Conc. & Patrum, quibus suprà probatum est Christum Dominum veram naturam humanam assūptiss, verumque Deum ac verum hominem esse; nisi enim verum & naturale corpus assūptisset, non posset dici verus homo, nec verè humanam naturam assūptisset. Vnde S. Aug. lib. 83. quæst. 14. *Si, inquit, phantasticum fuit corpus Christi, refellit Christus; & si refellit, veritas non est; est autem veritas Christus; non igitur phantasmatum fuit corpus Christi.*

Dicendum 2. Filium Dei sicut verum corpus, sic etiam veram animam rationalem intellectu ac voluntate præditam, ac eiusdem naturæ cum animabus cæterorum hominum assūptisse. Huic veritati, quæ de fide est, oppositus fuit olim error Apollinaris, qui (ut refert S. Aug. lib. de hæref. cap. 55.) att̄ebat, Verbum diuinum assūptiss carnem sine anima, ipsumque Verbum fuisse instar animæ rationalis in carne assūpta.

Refellitur hic error, ac nostræ fidei veritas probatur 1. ijsdem testimonij, quibus suprà constare diximus Christum esse, sicut verum Deum, sic etiam verum hominem; quod dici non posset, si animam humanam non assūptisset, cum anima sit pars essentialis hominis.

Probatur 2. eadem veritas ex ijs scripturæ locis, in quibus dicitur Christum Dominum veram animam habuisse: S. Matth. 26. *Tristis est anima mea usque ad mortem: S. Ioan.*

M 2

Ioan.

Ioan. 10. Potestatem habeo ponendi (*animam meam*) & potestatem habeo iterū sumendi eam: quibus in locis animam proprie accipi pro anima humana doget S. Aug. lib. 83. quæst. 80. Item ex Conc. Ephes. cap. 13. ubi expressè afferitur, Dei Filium carnem animatam anima rationali sibi copulasse: & in symb. S. Athan. Perfectus Deus, perfectus homo; ex anima rationali, & humana carne subsistens.

Ex quibus sequitur, falsum & erroneum quoque esse id, quod aliqui Apollinaris discipuli dixerunt, qui, cum Euangelijs testiemonijs conuicti Filium Dei animam assumptissime faterentur, illam tamen mente ac intellectu priuatam fuisse aiebant, eiusque defectum à verbo diuinio suppletum fuisse; cum intellectus ad veritatem humanæ naturæ absolute pertineat, nec anima humana perfecta esse possit sine intelligendi facultate, neque possumbile sit, ut diuinitas in Christo suppleat rationem aliquius partis vel facultatis, cum omnis pars sit ens imperfectum & incompletum comparatione totius; unde & hæc opinio à S. Leone Papa ser. 8. de nativitate. Christi omnino reprobata est.

Dicendum 3. torum sanguinem, qui fuit in corpori Christi, fuisse ipsi verbo hypostaticè vnitum.

Probatur 1. ex scriptura; Hebr. 2. vbi Filius Dei dicitur participasse carni & sanguini sicut reliqui homines, vñ Apost. eodem modo de sanguine ac de carne loquitur. Vnde sequitur Verbum diuinum eodem modo sanguinem atque carnem assumptissime: item ex omnibus alijs scripturæ locis, qua peccatorum remissionem & hominum redemptionem attribuunt sanguini Christi, vt ad Ephes. 1. In quo habemus redemtionem per sanguinem eius: & 1. Ioan. 1. Sangus Iesu Christi, Filij eius, emundat nos ab omni peccato.

Probatur 2. ex Conc. Ephes. in epist. ad Nestorium, vbi dicitur Verbum factum esse hominem assumptione carnis & sanguinis: & in Conc. Chalced. act. 1. vbi lecta & approbata est quadam epist. S. Cyr. ad Acacium, in qua ipsa dicit: Verbum caro factum est, id est, carnem & sanguinem assumpsit.

Probatur 3. auctoritate Clementis VI. in extrauaganti
(vnigenitus) de paenitentijs & remissionibus, vbi affir-
mat modicam guttam sanguinis Christi propter unionem cum
verbo diuino sufficisse ad redempcionem totius humani generis.

Probatur 4. hæc ratione; omne id, quod ad veritatem
humanæ naturæ pertinet, à Verbo diuino assumptum fu-
it, vt constat ex antè dictis, cùm fuerit verus homo: at-
qui sanguis pertinet ad veritatem humanæ naturæ, siue
enim informetur ab anima rationali (vt plerique senti-
unt) siue habeat formam distinctam, semper tamen est
pars omnino necessaria ad conseruationem corporis hu-
mani, quā sublatâ tota hominis natura corruit, neque ho-
mo ipse operari neque subsistere ad momentum potest:
vnde concludendum est, illum à Verbo diuino fuisse as-
sumptum.

Obijcies vulgatum illud axioma S. Damasc. quod Ver-
bum assump̄t, nunquam dixit: atqui in triduo mortis
Christus dimisit sanguinem, cùm ab ipsis corpore se-
paratus fuerit. Resp. quòd, et si sanguis Christi totus ef-
fusus fuerit, non tamen fuit à Verbo separatus, neque
fuit corruptus, sed dictinatus assecuatus suam partiam
formam sanguinis retinuit, ac post triduum denuo à
Christo resurgentे resumptus fuit. Et hoc constat, tum
ex communi Doctorum consensu, tum etiam ex eo,
quòd refertur in Direct. Inquisitorum part. 2. quæst. 10.
num. 1. à Clemente VI. damnatum fuisse id, quod quidam
concionator publicè in Ecclesia Barcinonensi dixerat,
sanguinem Christi fuisse in eius morte à diuinitate se-
paratum; quam doctrinam Inquisitor fidei vt hereticam
redarguit, ad eamque publicè retractandam, illius sum-
mi Pontificis auctoritate concionatorem illum adegit.

Quod ad alios tres humores spectat, cùm ad integrati-
tem & veritatem humanæ naturæ pertineant, valde pro-
bable est, illos fuisse à Verbo assumptiones, sicut & dentes,
& capillos & vngues, quos aliqui probabiliter existimant
esse animatos; & quanvis non essent, ita tamen ad
complementum corporis humani pertinent, vt S. Aug. in

Enchir. cap. 88. & lib. 12. de ciuit. cap. 19. existimet, illos reperiendos esse in corporibus beatorum post resurrectionem.

SECTIO V.

Quo ordine partes humanæ naturæ à verbo assumptæ sint.

Si spectetur ordo temporis, dicendum est, nec corpus, nec animam Christi fuisse ante unionem hypostaticam cum Verbo diuino; sed omnes humanæ naturæ partes eodem temporis momento, quo esse incepérunt, simul à Verbo assumptas fuisse. Ita S. Thom. quæst. 6. a. 4. & hæc propositio de fide est, ut constat ex 6. Synodo gener. vbi act. 11. lecta est epist. Sophronij, & act. 13. approbata, in qua hæc verba habentur; *Simul quippe caro, simul Dei Verbi caro; simul caro animata rationalis, simul Dei Verbi caro animata rationalis:* & in 5. Synodo gener. apud Niceph. lib. 17. hist. cap. 28. hic canon tertius legitur; *Si quis dixerit prius formatum corpus Christi in utero sancte Virginis, & deinceps unitum ei Verbum esse, anathema sit.*

Hanc etiam veritatem tanquam de fide docent SS. Patres. S. Hieron. apolog. cont. Ruffinum lib. 2. S. Leo Papa epist. 11. ad Julianum, S. Fulgent. lib. de fide ad Petrum cap. 18. & S. Damasc. lib. 3. de fide cap. 11.

Probari insuper potest hæc ratione, quia si aliquo temporis momento partes humanitatis Christi prius concepta fuissent, ac positæ in rerum natura, quam Verbo unirentur, sequeretur beatissimam Virginem non concepisse Deum, sed tantum hominem, qui postea futurus erat Deus, quod sapit hæresim Nestorij, & in Conc. Ephes. cap. 3. damnatum est.

Quod si spectetur ordo naturæ & rationis, docet S. Thom. quæst. 6. a. 1. & seqq. animam prius natura fuisse Verbo unitam, quam corpus, & spiritum seu mentem, vel intellectum prius, quam animam, ipsamque animam

intellectu mediante sicut & corpus mediante animâ fuisse à Verbo assumptum. Ita S. Aug. lib. de agone Christiano cap. 18. *Immortalis veritas per spiritum animata & per animam corpus suscipiens, toto homine assumpto eum ab infirmitatibus suis liberavit: & in 6. Synodo gener. act. 18. in edicto fidei Constantini Pogonati Imperatoris dicitur, Verbum sibi compaginasse corpus & animam per spiritum ex sancta & immaculata Virgine, & carnem quoque mediante animâ rationali; quod quidem editum ab ipso Conc. & à summo Pontifice Leon. II. approbatum fuit, ut patet ex ipsius Leonis epist. ad dictam Synodum.*

SECTIO VI.

An Christus aliquos defectus corporis assumperit.

Obseruandum est, corporales defectus in duplice esse differentia, alij enim communes sunt omnibus hominibus, & totam naturam consequuntur, vt sunt mors, fames, sitis, dolor, &c. alij vero ex causis quibusdam particularibus proueniunt, suntque tantum in aliquibus hominibus, vt sunt lepra, febris, & alia id genus. Hac distinctione supposita

Dicendum r. Filium Dei assumendo corpus humanum, simul etiam assumpisse omnes illos defectus, qui sunt communes toti naturæ humanae; atque ita assumpisse corpus passibile, & obnoxium fami, siti, astui, frigori, dolori, morti, & similibus, atque re ipsa hæc omnia perpetuum fuisse.

Huic veritati, quæ de fide est, oppositus fuit olim error Seuerianorum, qui (vt refert Niceph. lib. 18. cap. 29.) asserebant, corpus Christi non fuisse, vere & proprie passibile, & cum sensu doloris vulnerabile; quem errorem fecuti sunt Armenij quidam, vt refert Euthymius in sua Panoplia parte 2. tit. 10.

Refellitur hic error, & veritas fidei nostræ probatur r.

M. 4

ex scri-

^cx scriptura. Is. 53. *Vere languores nostros ipse tulit, & dolore nostros ipse portauit: &c. vulneratus est propter iniquitates nostras. Vbi haec particula (vere) notanda est; S. Luc. 24. 6. portebat Christum pati.*

Probatur 2. ex varijs Conc. Ephesino, anathematismo 12. Chalcedon. act. 5. Lateran. sub Martino I. conf. 5. can. 4. istam veritatem definientibus.

Probatur 3. ex S. Cyril. Hieros. catechesi 13. *Tassus est inquit, Iesus pro hominibus vere: non enim apparentia est crux, neque opinio redemptio, non imaginaria mors, & fabulatoria salus; vere crucifixus est, & non confundimur, neque negamus, sed potius in eo gloriamur. Hanc veritatem tanquam fide certam profitentur communiter SS. Patres. S. Ambr. lib. 2. de fide cap. 4. S. Aug. epist. 146. S. Leo Papa epist. 10. S. Damasc. lib. 3. de fide cap. 28. & reliqui omnes.*

Dicendum 2. Filium Dei non assumpsisse defectus illios, qui ex causis particularibus consequuntur, v. g. deformitatem, morbos, & similes. Ita S. Thom. quæst. 14. a. 14. & cum eo communiter omnes. Ratio est, quia ibi tantum reperiuntur defectus illi; vbi eorum causæ & radices locum habent: atqui defectuum illorum causæ, aut radices non fuerunt in Christo; oriuntur enim vel culpæ seu vitio aut ignorantia hominis, vel ex defectu & imbecillitate virtutis formaticis, quæ est in parentibus; nulla autem culpa in Christo fuit, aut esse potuit, nullum vitium, nulla ignorantia aut inconsideratio, neque virtus illa, quæ eius corpus formatum fuit, imbecillis aut infirma fuit, cum de Spiritu Sancto conceptus fuerit, immo opera, quæ miraculose à Deo facta sunt, semper fuerint perfectissima, proindeque, cum Christi corpus fuerit miraculose per Spiritus Sancti virtutem formatum, dicendum est, illud fuisse perfectissimum, pulcherrimum, optimo temperamento præditum, & omnibus partibus suis absolutissimum.

SE:

SECTIO VII.

*An Christus in anima sua defectus aliquos
habuerit.*

DE quatuor præsertim defectibus difficultas aliqua esse potest, scilicet de peccato, de somite peccati, de ignorantia & de passionibus seu motibus appetitus inferioris; de quibus hic sigillatim, breuiter tamen agendum nobis est.

Dicendum igitur 1. Christum Dominum nullum unquam contraxisse peccatum origin. nec ullum actuale etiam leuissimum commisisse.

Probatur ex scriptura. 1. S. Petri 2. vbi de Christo dicitur, quod peccatum non fecit, nec invenit in ore eius: Hebr. 4. Tentatus per omnia pro similitudine abique peccato: & cap. 7. vocatur Sanctus, innocens, impollutus, segregatus a peccatoribus. Eadem veritas definita est in Conc. Ephes. can. 10. & Lateran. sub Martino I. conf. 5. can. 5. & ab omnibus SS. Patribus unanimiter tanquam certissima ex fide assertur.

Quæres, quo sensu debeant intelligi hæc verba Ps. 21. *Deus Deus meus, respice in me; quare me dereliquisti longè à salute mea verba delitorum meorum, quæ communiter à sanctis Patribus Christo patienti adaptantur. Omissa impiæ & blasphemæ cuiusdam heretici explicatione, qui (vt refert Cardin. Hofius lib. 1. de hæresib. nostri temporis) hæc verba Christi desperantis esse assertuit. Resp. duplum illorum verborum à SS. Patribus expositionem afferri. Prima est, Christum ibi non in sua, sed in membrorum suorum, hoc est, omnium hominum persona de illorum peccatis, non de suis loqui. Ita S. Leo Papa serm. 16. & 17. de passione, S. Greg. Naz. orat. 36. quæ est quarta de Theologia, S. Damasc. lib. 4. de fide cap. 19. & S. Thom. qu. 15. a. 1. ad 1. Secunda expositio est, verba illa esse quidem Christi loquentis in sua persona, illumque delicta appell-*

MS

laſe

SE:

Iasse sua, qua nostra erant, & à nobis commissa, cò quòd pro illis sponsorem se præstisset, diuinæque iustitiae satisfacere ad rigorem deberet. Ita S. Ambr. lib. de Incarnationis dominica sacramento cap. 5. S. Hieron. in illumpli 21. S. Aug. in enarratione eiusdem Ps.

Dicendum 2. Christum Dominum non modò peccatum nullum commisisse, sed nec committere potuisse; & proinde fuisse prorsus impeccabilem. Ita communiter SS. Patres. S. Athan. lib. de Incarnat. Christi post medium, Verbi (inquit) *Incarnatio secundum naturam Dei facta, nostrum vitiorum suscepibilis non fuit.* S. Cyril. Alexand. lib. cont. Antropomorphitas cap. 23. vocat illos stolidos prorsus ac dormentes, qui Christum, nescio quo pacto, peccare posse affirmant.

Ratio autem illius impeccabilitatis in Christo ex tripli ei portissimum capite desumitur. 1. ex vnione humanitatis eius cum diuinitate, quæ quidem diuinitas cùm sit infinita simpliciter in omni genere sanctitas, humanitatem Christi Domini ita sanctificat (sicur infra dicetur) ut quemadmodum ipsa diuinitate nulla maior aut altioris ordinis sanctitas esse aut cogitari potest, ita humanitatis Christi sanctificatione, nulla maior aut altioris ordinis esse aut cogitari queat; cum qua sanctificatione proinde nullum peccatum stare potest, cùm illi ab solutè & omnimodo sit oppositum, vnde S. Greg. Naz. citat orat. 36. de Christo Domino loquens, *Quia, inquit, illius voluntas tota Deificata est, Deo procul dubio non aduersatur.* 2. ex visione beatifica essentiae diuina, quâ Christi anima frui à primo instanti sua conceptionis incœpit, ut infra dicetur; hac autem visio ex se est cùm omni peccato incompensabilis. 3. denique ex gratia consummata, quâ eius anima predicta est, quæ quidem, cùm longè maior extiterit, quam in omnibus sanctis & Angelis fuerit aut futura sit, eius voluntatem ita in bono stabilire potuit, ut vel ex hoc capite etiam impeccabilis dici potuerit.

Dicendum 3. in Christo peccati somitem nullo modo fuisse. Ita S. Thom. q. 15. a. 2. & probatur, quia somes peccati ex peccato originali provenit: atqui in Christo

pecc.

cò quòd
titia sa-
Incarna-
illum P.
o pecca-
uisse; &
niter S.
medium,
a, nostr.
ib. cont.
ut ac do-
rment.
x tripli-
canitatis
sit infi-
nitatem
ur) ut
altiori
canitatis
ordinis
proinde
comni-
t.36. de
reas tota
one be-
primo
r; hac
sibilis.
predi-
uam in
ius vo-
capite
modo
fomes
Christo
pece.

peccatum originale nec fuit, nec esse potuit: ergo nec fomes peccati, sublatâ enim causâ tollitur effectus. Præterea exdem ratione, quæ probant in Christo peccatum esse non potuisse, probant etiam in illo peccati fomitem non fuisse; cum idem proorsus sit habere in se fomitem peccati, ac habere in se inordinatam inclinationem ad peccatum, ac proinde esse peccabilem; quod tamen de Christo nullatenus dici posse suprà probatum est.

Dicendum 4. in anima Christi nullam fuisse ignorantiam. Ita S. Thom. art. 3. Probatu*r* 1. ex scriptura S. Ioann. i. dicitur Christum Dominum fuisse plenam gratiæ & veritatis; & cap. 21. dixit illi S. Petrus: Domine, tu omnia nōsti: & Coloss. 2. dicit Apost. quod in illo sunt omnes thesauri sapientiae & scientia absconditi. Probatur 2. ex 6. Synodo act. 13. vbi approbatæ est epist. Sophronij, in qua damnatur hæresis Agnoitarum, qui asserebant, Christum Dominum ignorasse diem iudicij extremi.

Obijcies, in euang. Luc. 2. dici, quod puer Iesus proficiebat sapientiam & atate, ergo aliquid illius sapientiae de- erat, si in ea proficiebat. Resp. cum S. Greg. Naz. orat. in S. Basiliu*m*, Iesum dici profecisse sapientiam, non quod incrementum aliquod accepit, cum ab initio sapientiam plenus esset, sed quod sapientiam suam hominibus paulatim magis ac magis detegret.

Dicendum 5. animam Christi Domini verè fuisse passibilem, id est, potuisse moueri affectibus illis, qui passiones dicuntur. Ita S. Thom. a. 4. & seq. & constat manifestè ex scripturis Christum multos eiusmodi affectus re ipsâ habuisse, ut tristitiam, S. Matth. 26. timorem seu pa- uorem S. Marc. 14. iram, eiusdem S. Marc. 3.

Hæ tamen passiones longè diuersæ fuerunt in Christo ab illis, quæ in nobis solent oriri; in illo siquidem (ut di- cit S. Aug. lib. 14. de ciuit. c. 8.) fuerunt ordinatissimæ, quocirca S. Thom. loco citato triplex discrimen assignat inter passiones, quæ in Christo fuerunt, & illas, quæ in nobis. Primum ex parte principij; quia in Christo seque- bantur

bantur semper rationis deliberationem, in nobis illam
sepe antevertunt. Secundum ex parte obiecti; quia Christi
passiones habuerunt semper obiectum recte rationi
consentaneum, nostræ vero sapientissime feruntur in obie-
ctum ipsi rationi repugnans. Tertium denique ex parte
effectus; in Christo enim ratio nullo modo ab eius pas-
sionibus impedita est, in nobis vero passiones ipsam rati-
onem vel impediunt, vel etiam aliquando pro rorsus obrui-
ant: quibus de causis aliquibus SS. Patribus visum est,
huiusmodi motus & effectus in Christo, non passiones
sed propassiones dici debere.

CAPVT III.

*De modo, quo de mysterio Incarnationis
loquendum est.*

PRÆCIPUÆ difficultates, quæ in modis loquendi de
mysterio Incarnationis occurrere possunt, oriun-
tur præsertim ex communicatione idiomatum,
seu proprietatum viriusque naturæ, diuinæ scilicet &
humanæ, in una Christi persona; idcirco de illa idiomati-
cum communicatione agendum nobis est.

SECTIO I.

*An in Christo aliqua communicatio idio-
matum admittenda sit.*

CVm per unionem hypostaticam (vt ex antè dictis
constat) duæ sint naturæ in persona Verbi unitæ & in
illa subsistentes, diuina scilicet, quæ ipsius Verbi pro-
pria